

## Lé Peguet Dessus

Sû dza bin s'aô dé iadzou vouaitié cein que reisté dé cei dzouli vesenâi de Peguet Dessus qu'è z'aô bourlà lou 27 d'aô mâi d'aoû passâ. Te poussibliou, peut, on veyré oquiè dé pe tristou qu'è cei moèi dé pière que resté de chliâ frecacha. Iô et cei teimp, quan on eiré dzou-venou ? qu'on tzantâvé quasi tui lé dzeu, mèi-mameint et soveint la naî, car on allavé thez Pierroton ce n'eiré pas po droûmi, on fazai on iass et on, tzantavé, y avâi adé d'aô bou por cein, n'y avâi-te pas lé Guegniâi, lé Peguet, lé Meylan dé per la Comba, lé Gôûtrou affai qué, on allavé jamais sein trovâ déguè lan-ché on petit refredon. Et pouité chliâ salla a baîré tan aimâbliou que lé haôré lecâvont sû bille que lou momeint dé sé quittâ eiré tristou et treû vutou ique. To parin quan on peinsé à lui chliâi vesenâi dé duvé, trei, qua-trou, cinq et chei tô dé nôûtra carrière qui sont zévouei frecachâi et pas fotu dé savâi dé iô sor cei fieu cein est ou'na mi rûdou, a per caûtié iadzou que c'eiré dé boueïbou avouâi dé « allumetté » car cet adé de la gouairdze dé einfant que chez la veretâ, n'é pas la meïma chose avouâi lé gran'dzein, ce n'é qu'avouâi la prison praô gran teimp qu'on y arrevérâi. Mé souviennoû d'ou na frecacha que l'y avâi z'aô aô tin d'aô tzenet ein pliaimé fenaïson iô trei hommoû s'eiront reposa ou na vouairba sû la têtze iô dou fouvavont la pipe, ion avai volu veyré se lou fein pren-drâi fieu avouâi ou « allumetta » l'avâi réussi ein duvé seingondé tot eiré à fieu. Ein justice néon n'avâi avouâ, maî ion dé intéreïché qu'avai fénâ thez no ou na dièzanna d'an aprè no avâi bo et bin racontâ cein que s'eiré pas et cei qu'avai bouâta l'« allumetta » l'a bo et bin accaôthé à son liei dé môr. Saîté-vo cein qu'avâi repondu ion dé chliâi trei hom-mouû ein justice ? l'avai de : que tant que l'y arrai dé « allumetté » il y errâi dé incendie !

Novembrou 1948.

P. D'Amoud